

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članom 40., 41. stav (3) i članom 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

## **O D L U K U**

**o usvajanju Programa utroška sredstava u razdjelu 22 - Ministarstvo za obrazovanje, nauku, kulturu i sport, pozicija “Tekući transferi neprofitnim organizacijama”- „Tekući transfer za sport“ – izvor 10, Budžeta Zeničko-dobojskog kantona za 2026. godinu**

### **Član 1.**

#### **(Predmet)**

Usvaja se Program utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 002, Budžeta Zeničko-dobojskog kantona za 2026. godinu, pozicija “Tekući transferi neprofitnim organizacijama”-“Tekući transfer za sport” - izvor 10 („Službene novine Zeničko-dobojskog kantona“, broj 24/25) u ukupnom godišnjem iznosu od 6.000.000,00 KM (slovima: šestmiliona konvertibilnih maraka), koji čini sastavni dio ove odluke.

### **Član 2.**

#### **(Način realizacije)**

Sredstva planirana ovim programom utroška sredstava, realizovat će se isključivo shodno realizaciji ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

### **Član 3.**

#### **(Realizacija Odluke)**

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

### **Član 4.**

#### **(Stupanje na snagu)**

Odluka stupa na snagu narednog dana od dana donošenja i objavit će se u „Službenim novinama Zeničko-dobojskog kantona“.

Broj: 02-11-2815/26

Datum, 13.02.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

## **PROGRAM**

### **utroška sredstava u razdjelu 22 - Ministarstvo za obrazovanje, nauku, kulturu i sport, pozicija "Tekući transferi neprofitnim organizacijama" - „Tekući transfer za sport“ - izvor 10 Budžeta Zeničko-dobojskog kantona za 2026. godinu**

#### **Član 1.**

##### **(Svrha Programa)**

Svrha Programa je da se sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), utvrđena u razdjelu 22, budžetska organizacija 01, potrošačka jedinica 0001 - Ministarstvo za obrazovanje, nauku, kulturu i sport, ekonomski kod 614300, subanalitika MAX 002, pozicija “Tekući transferi neprofitnim organizacijama”-„Tekući transfer za sport“ koriste za sufinansiranje aktivnosti sportskih klubova i drugih organizacija u sportu, kao i istaknutih sportista (pojedinaца) sa područja Zeničko-dobojskog kantona u 2026. godini, te realizaciju Zakona o sportskim kolektivima od posebnog značaja za Zeničko-dobojski kanton u 2026. godini (“Službene novine Zeničko-dobojskog kantona broj: 5/25”).

#### **Član 2.**

##### **(Visina sredstava)**

Visina sredstava, utvrđenih ovim Programom, iznosi 6.000.000,00 KM (slovima: šestmiliona konvertibilnih maraka).

#### **Član 3.**

##### **(Izvor sredstava)**

Izvor sredstava je Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 22, Budžetska organizacija 01, potrošačka jedinica 0001- Ministarstvo za obrazovanje, nauku, kulturu i sport, ekonomski kod 614300, subanalitika MAX 002, pozicija “Tekući transferi neprofitnim organizacijama”-„Tekući transfer za sport“ – izvor 10.

#### **Član 4.**

##### **(Kriteriji raspodjele sredstava)**

(1) Kriteriji raspodjele sredstava sadrže: kriterije za vrednovanje sportova i kriterije za vrednovanje sportskih klubova.

(2) Kriteriji za vrednovanje pojedinih grana sporta sadrže parametre koji se odnose na: razvijenost sporta, ostvarene sportske rezultate i javni status sporta, a Kriteriji za vrednovanje sportskih klubova sadrže parametre koji se odnose na: složenost sistema takmičenja, nivo/rang takmičenja u kojem klub učestvuje, uzrasne kategorije kluba koje su uključene u sistem takmičenja, postignute sportske rezultate kluba, kao i Zakonom proglašene sportske kolektive od posebnog značaja za Zeničko-dobojski kanton.

#### **Član 5.**

##### **(Korisnici sredstava)**

Korisnici sredstava su sportski klubovi, sportski savezi, klubovi i udruženje osoba s invaliditetom, sportska udruženja i drugi pravni subjekti koji organizuju sportske manifestacije od značaja za promociju sporta na području Zeničko-dobojskog kantona, udruženja koja se bave organizovanim sportskim aktivnostima u oblasti školskog i univerzitetskog sporta, sportisti pojedinci reprezentativci koji su prema kriterijima raspodjele uvršteni u Program utroška sredstava sa pozicije “Tekući transferi neprofitnim organizacijama”-„Tekući transfer za sport“ za 2026. godinu, te sportski kolektivi od posebnog značaja za Zeničko-dobojski kanton.

**Član 6.**  
**(Distribucija sredstava)**

(1) Distribucija sredstava vršit će se u iznosima i dinamikom na osnovu javnih poziva i odluka Vlade o raspodjeli sredstava sa razdjela 22, budžetska organizacija 01, potrošačka jedinica 001 Ministarstvo za obrazovanje, nauku, kulturu i sport, ekonomski kod 614300, subanalitika MAX 002, Budžeta Zeničko-dobojskog kantona za 2026. godinu pozicija “Tekući transferi neprofitnim organizacijama”-„Tekući transfer za sport“ i potpisanim ugovorima o prenosu sredstava sa ovlaštenim predstavnicima sportskih kolektiva od posebnog značaja za Zeničko-dobojski kanton.

(2) Klubovi za uplatu naznačenih sredstava, Ministarstvu za obrazovanje, nauku, kulturu i sport moraju prethodno dostaviti fakturu saveza kojem uplaćuju kotizaciju i kopiju računa o uplaćenju kotizaciji na žiro račun naveden u fakturi.

**Član 7.**  
**(Realizacija Programa)**

Za realizaciju ovog programa zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

**Član 8.**  
**(Izveštaj o namjenskom utrošku sredstava)**

Korisnici sredstava Budžeta namijenjenih za ovaj transfer dužni su resornom ministarstvu dostaviti izvještaj o namjenskoj upotrebi odobrenih sredstava.

**Član 9.**  
**(Izveštaj o realizaciji Programa)**

Izveštaj o utrošku sredstava Ministarstvo za obrazovanje, nauku, kulturu i sport dužno je polugodišnje dostavljati Vladi Zeničko-dobojskog kantona i Ministarstvu finansija.

Broj: 02-11-2815/26

Datum, 13.02.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.